

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI SUD U BIHAĆU
Broj:001-0-Su-24-000291-3
Bihać, 15.04.2024. godine

Na osnovu člana 69. stav (1) tačka b), 70. stav (1) i (4) i člana 87. stav (1) tačka a) Zakona o javnim nabavkama ("Službene novine F BiH", br. 39/14 i 59/22) u postupku javne nabavke električne energije, po Obavještenju sa portala javnih nabavki broj 8581-7-1-26-3-8/24, predsjednica Kantonalnog suda u Bihaću donosi:

ODLUKU
O PONIŠTENJU POSTUPKA JAVNE NABAVKE

Član 1.

Poništava se postupak javne nabavke električne energije objavljen na Portalu javnih nabavki obavještenjem broj 8581-7-1-26-3-8/24, iz razloga što nije dostavljena nijedna ponuda u određenom krajnjem roku za dostavljanje ponuda.

Član 2.

Ova odluka objavit će se na web stranici Kantonalnog suda u Bihaću i portalu javnih nabavki.

Član 3.

Ova odluka stupa na snagu danom donošenja.

O b r a z l o ž e n j e

Postupak javne nabavke električne energije pokrenut je Odlukom o pokretanju postupka javne nabavke broj: 001-0-Su-24-000291 od 02.04.2024. godine. Javna nabavka provedena je putem Konkurentskog zahtjeva za dostavu ponuda. Procijenjena vrijednost javne nabavke bez PDV-a iznosi 30.000,00 KM.

Tenderska dokumentacija i Obavještenje o nabavci broj: 8581-7-1-26-3-8/24 objavljeno je na Portalu javnih nabavki dana 02.04.2024. godine i u Službenom glasniku Bosne i Hercegovine broj: 24/24. U roku predviđenom za preuzimanje tenderske dokumentacije, tendersku dokumentaciju podigla su četiri ponuđača. U tenderskoj dokumentaciji i obavještenju o nabavci, krajnji rok za dostavljanje ponuda određen je 15.04.2024. godine do 9:00 sati.

Komisija za javne nabavke imenovana Rješenjem broj: 001-0-Su-24-000291-2 od 12.04.2024. godine, dostavila je dana 15.04.2024. godine Zapisnik o otvaranju ponuda, u kome je konstatovano da nema blagovremeno pristiglih ponuda.

Članom 69. stav (2) tačka a) Zakona o javnim nabavkama propisano je da je ugovorni organ obavezan poništiti postupak javne nabavke u slučaju da nije dostavljena nijedna ponuda u određenom krajnjem roku.

Kako u postupku predmetne javne nabavke nije dostavljena nijedna ponuda u određenom krajnjem roku, stekli su se uslovi za poništenje postupka javne nabavke električne energije.

Imajući u vidu naprijed navedeno, u skladu sa odredbom člana 69. stav (2) tačka a) Zakona o javnim nabavkama, odlučeno je kao u članu 1. ove Odluke.

Predsjednica suda:
Fata Nadarević

